


Rodna ravnopravnost u pravosuđu ključna je za postizanje jednakog pristupa pravdi

Pojam

Rodna ravnopravnost podrazumijeva jednaka prava, odgovornosti i mogućnosti, kao i ravnomjerno učešće i podjednaku zastupljenost žena i muškaraca u svim oblastima društvenog života. Pored toga, uz uvažavanje bioloških, društvenih i formalnih razlika koje postoje između žena i muškaraca, moraju postojati jednake mogućnosti za lični razvoj, te jednaka prava, mogućnosti i koristi od rezultata rada.



Rodna ravnopravnost

Osnovni sud u Bijeljini

Osnovni sud u Bijeljini
Vuka Karadžića broj 3, Bijeljina

055/224-910

ossudbn@teol.net

www.ossud-bijeljina.pravosudje.ba



Strategija

Strategija za unapređenje rodne ravnopravnosti u pravosuđu Bosne i Hercegovine usvojena je 2020. godine.

Navedenom Strategijom se nastoji pravosudnoj zajednici BiH ukazati na značaj primjene metode tzv. *gender mainstreaming-a* i istovremeno unaprijediti nivo rodne ravnopravnosti u pravosuđu BiH.

Strategija predstavlja strateški dokument opšteg karaktera, na osnovu koga pravosudne institucije donose vlastite akcione planove i pristupaju njihovoj implementaciji.

Akcioni plan

Akcioni plan provođenja „Strategije za unapređenje rodne ravnopravnosti u pravosuđu Bosne i Hercegovine“ Osnovnog suda u Bijeljini usvojen je u aprilu 2022. godine. Njime se definiše plan aktivnosti i predviđaju mjere koje treba preduzeti u cilju implementacije Strategije.

Implementacija se izvodi primjenom koncepta *gender mainstreaming-a*, o čemu je Osnovni sud u Bijeljini posebno vodio računa prilikom izrade Akcionog plana.

Ovaj koncept podrazumijeva pristup u donošenju politika, koji uzima u obzir interese i potrebe muškaraca i žena, odnosno (re)organizaciju, unapređenje, razvoj i evaluaciju procesa donošenja politika, kroz ugradnju perspektive rodne ravnopravnosti u sve politike na svim nivoima i u svim fazama, od strane aktera koji su obično uključeni u proces donošenja politika.

Akcioni plan Osnovnog suda u Bijeljini ima za cilj sljedeće:

- unapređenje znanja i nivoa svijesti o pojmu roda, rodnim normama, metodi *gender mainstreaming-a*, rodnoj ravnopravnosti i jednakom pristupu pravdi,
- obezbjediti da su radnim procesima u pravosudnim institucijama obuhvaćena pitanja rodne ravnopravnosti i jednakog pristupa pravdi, kao dio ciljeva radnih procesa institucije,
- obezbjediti da se sva lica, koja dođu u kontakt sa pravosudnim institucijama, tretiraju na jednak način, kao i da im se omogući jednak pristup pravdi bez obzira na pol i/ili rod,
- osigurati da sva lica (stranke, svjedoci, profesionalne stranke i drugi), koja dođu u kontakt sa pravosudnim institucijama, bilo da je takav kontakt ostvaren usmeno, pismeno ili putem društvenih mreža, smatraju da su pravosudne institucije osnovane na principima rodne ravnopravnosti, te da i muškarci i žene imaju visok nivo povjerenja u pravosuđe.

